

Broj: 03-04-17-3/24
Sarajevo, 28.03.2024. godine

Primljeno: 29-03-2024			
Org. jed.	Broj	Priloga	Vrijednost
05/1	- 02 -	92	/24

PARLAMENT FEDERACIJE BOSNE I HERCEGOVINE
Predstavnički dom
gđa Mirjana Marinković-Lepić, predsjedavajuća ✓

Predmet: Izjašnjenje Vlade Federacije Bosne i Hercegovine

Poštovana,

U skladu sa članom 160. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24), u prilogu akta dostavljam Vam Izjašnjenje Vlade Federacije Bosne i Hercegovine na Inicijativu za izmjene i dopune Zakona o penzijskom i invalidskom osiguranju, koju je podnio Haris Silajdžić, poslanik u Predstavničkom domu Parlamenta Federacije Bosne i Hercegovine, a koje je Vlada Federacije Bosne i Hercegovine usvojila na 70. hitnoj sjednici, održanoj 28.03.2024. godine.

S poštovanjem,

PREMIJER
Nermin Nikšić

CO: FEDERALNO MINISTARSTVO RADA I SOCIJALNE POLITIKE
gosp. Adnan Delić, ministar

Prilog: kao u tekstu

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), nakon razmatranja Inicijative za izmjene i dopune Zakona o penzijskom i invalidskom osiguranju, koju je podnio Haris Silajdžić, poslanik u Predstavničkom domu Parlamenta Federacije Bosne i Hercegovine, Vlada Federacije Bosne i Hercegovine na 70. hitnoj sjednici održanoj 28.03.2024. godine, usvaja sljedeće

I Z J A Š N J E N J E

Vlada Federacije BiH, generalno podržava sistemske mjere koje imaju za cilj olakšavanje ostvarivanja prava za teško oboljele osobe u svim segmentima društva, ali ne prihvata Inicijativu za donošenje izmjena i dopuna Zakona o penzijskom i invalidskom osiguranju („Službene novine Federacije BiH“, broj: 13/18, 90/21 i 19/22), koju je podnio g-din Haris Silajdžić, poslanik u Predstavničkom domu Parlamenta Federacije BiH.

Образложење

Navedenom Inicijativom traži se donošenje novog ili izmjena postojećeg propisa kojim će se onkološkim pacijentima omogućiti prijevremeni odlazak u penziju ili promjene radnog mjesta, zavisno o ostvarenom radnom stažu i godinama života.

S tim u vezi, ističemo da je Zakonom o penzijskom i invalidskom osiguranju od člana 48. do 67. detaljno propisan postupak za ostvarivanje prava po osnovu invalidnosti te da invalidnost kod osiguranika u obaveznom osiguranju postoji kada se utvrdi da je, zbog trajnih promjena u zdravstvenom stanju koje se ne mogu otkloniti liječenjem ili medicinskom rehabilitacijom, nastala promijenjena radna sposobnost ili gubitak sposobnosti za rad na radnom mjestu odnosno poslu koji je obavljao na dan ocjene radne sposobnosti ili koji je obavljao prije prestanka osiguranja. Također, propisani su i drugi osnovi koji za sobom povlače promijenu radnog mjesta, kao što su povreda na radu i profesionalna bolest, invalidska penzija i fizička onesposobljenost.

U vezi predmetne inicijative kao i važećih zakonskih rješenja ističemo da je osnov za ostvarivanje traženih prava invalidnost, a ne bolest. Onkološki pacijenti sa odgovarajućom dijagnozom bolesti prema važećem propisu mogu ostvariti pravo na penzionisanje odnosno premještaj na odgovarajuće radno mjesto ukoliko je bolest uzrokovala trajno oštećenje organizma odnosno, ukoliko je došlo do invalidnosti. Bolest bilo koje vrste je trenutno stanje koje prema pravilima medicinske struke može dovesti do izlječenja ili do posljedica u vidu trajne invalidnosti ili smrti.

Dakle, bolest se medicinski definiše kao trenutno stanje i stoga nije osnov za ostvarivanje prava iz PIO. Na takvom principu egzistira kako penzijski sistem u Federaciji BiH, tako i u apsolutnoj većini uporednih pravnih sistema drugih država.

Zbog navedenog je Inicijativa za donošenje izmjena Zakona o penzijskom i invalidskom osiguranju, koju je podnio g-din Haris Silajdžić, poslanik u Predstavničkom domu Parlamenta Federacije BiH, ocijenjena neprihvatljivom, prvenstveno iz razloga što

postojeća pravna rješenja u najvećem broju slučajeva omogućavaju onkološkim pacijentima ostvarivanje traženih prava, jer nažalost takva vrsta bolesti u pravilu ostavlja trajne posljedice u vidu invaliditeta, a što je osnov za ostvarivanje prava iz PIO. Također, napominjemo da je zaštita onkoloških pacijenata predviđena kroz odredbe radno-pravnog, odnosno segmenta zdravstvenog osiguranja, gdje za cjelokupan period liječenja (dakle za vrijeme dok nije utvrđena invalidnost), ove osobe imaju pravo na naknadu plaće i druge naknade u skladu sa propisima, koje su u iznosima značajno veće od penzije koju bi takva osoba eventualno ostvarila.

V. broj: 463 /2024
28.03.2024. godine
Sarajevo



PREMIJER
Nermin Nikšić